

怀吾公家传

公讳代旺字怀吾兴达公十三世孙也公父万桂公母氏胡氏夫子二公居长次讳代生字德吾由团山徙居平邑苏家坝失传惟公世居樟树屋生齿日繁家道日盛皆由公之积德累仕有以承先而启后也妣氏廖以郝孟之贤尽赞襄之职生子六长致华公仍居樟树屋次致清公析居石坝屋三致贤公析居丛羊段四致仁公析居蛇形屋五致义公析居新市六致诚公析居六房屋迁善徙仁各垂盛义治谋善斯大本立况復孙会罗列惟点颌以答问安诚一门胜事也当是时置田数千顷莊居数十椽以暨凤形虎形蛇形五岭四坡皆公之手创鸿图而垂诸久远者也攷公之性敦孝友重廉隅乐田园爱山水凡湘楚之胜境无不乘兴登临以遂其旷大之志心

切慕之特恨代远年湮其文献难于征实加以穆不能文蓋採前輩之遺囑聊以登諸梨枣云公生于明隆庆六年壬申十二月初一日卒于康熙三年甲辰十二月初六日葬老屋后南竹岭乾山巽向妣廖孺人生于明万历十八年庚寅九月二十九日卒于清康熙十八年己未十月初三日葬石坝屋后山正中脉甲山庚向兹值民国己未三续宗详以公与妣为开族之祖历三百年来而瓜绵椒衍非公积累之久岂能若是乎

民国八年己未岁仲秋谷旦

四房裔孙文穆敬撰